



392901  
392926

St. Dr.





2527 III. 5. 17



Ex-Libris  
PODHORCE

AORT. GRY




392901

392926

Mag. St. Dr. III

1041







2

1771  
1772

1773



A M O R  
IN CORDIS IMPERIO  
PRIMVS ELECTOR.

SERENISSIMO PRINCIPI DOMINO,  
D. MAXIMILIANO  
E M A N V E L I

*Bavariae Vtriusq̃, necnon Superioris Palatinatûs*

D V C I,  
COMITI PALATINO RHENI,  
S. R. I. ARCHIDAPIFERO,

<sup>ac</sup>  
E L E C T O R I,  
LANDGRAVIO LEVCHTENBERGÆ.

<sup>et</sup>  
SERENISSIMÆ PRINCIPI  
T E R E S I Æ  
KVNEGVNDI CASIMIRÆ,  
SERENISSIMORVM  
J O A N N I S III.

<sup>atq̃</sup>  
MARIÆ CASIMIRÆ  
POLONIÆ REGVM  
F I L I Æ,

*Ad Nuptialis Applausum Pompæ,*

Per Regium VLADISLAI IV. Scholarum Piarum Varfav. Collegium  
D E D I C A T V S.



*O digno neclenda Viro, tantiq; per Orbem  
Consors Imperij! Iam Te venerabitur Ister,  
Nomen adorabunt populi, jam Rhenus &  
Albis  
Serviet, in medios ibis Regina Sicambros.*

*Claud. de nupt. Hon. & Mariæ.*

392919

III





# SERENISSIMI PRINCIPES NEOSPONSII.



Sq; ad oblivionem Majestatis è Cælo honoris augusti in hanc pagellam descenditis Magna Terræ Numina, adhuc tamen ingenijs nostris Alpes parvæ sunt, ex quarum supercilio ad Vestra vestigia pertingamus. Præsumpsit volare, pronuba Amoris jacula secuturus calamus, ut saltem extremam gloriæ Vestræ delibâssset fimbriam; sed Rhodum ei in primis stadij tentamentis mortali inaccessa pennæ posuit magnitudo, cujus fastigio quantò propiùs ad Deos acceditis, tantò longinquiùs humana capita superatis. Ultra terminale Herculi fretum, si non extra orbem ipsum quærendi essent illi Plinij, in quorum o-



re rofas pro verbis adoravit jactantior  
rugarum antiquitas, ut hodie ad nuptia-  
lis applausum pompæ, dum paranym-  
phus nectit ferta Hymen, non erubescen-  
do Principes plantas redimiant corona-  
mento. Solem monstrare digito, quod  
spargat radium, aut Tyrrheno æquori  
derivare scatebram, ne torridâ Syrij elâ-  
batur linguâ, idem conatus est, quod Ve-  
stris laudibus deferre elogia. Tot sæcu-  
lorum partu laboravit natura, & cano  
penitus delassata senio, vix tandem quæ-  
dam ingeniorum enutrivit miracula,  
Drusis duntaxat, vel Honorijs celebra-  
dis digna, non Vestræ panegyrico Maje-  
statis. Infra laudem est, quidquid de Vo-  
bis dicitur; imò & dici sufficienter nisi  
silentio non potestis. Eloquentius in to-  
ta Oratoria nihil habet Cicero, quam  
profundissimâ gloriæ Vestræ reticentiâ;  
fatis de Vobis dixit si tacuit; tacuit si di-  
xit. Quotquot igitur vel noster erga Vos  
*PRINCIPES SERENISSIMI* metus,  
vel scriptoriū torcular hîc expressit lite-  
ras, mutæ sunt omnes, & ad Vestrarum  
prodigia virtutū immobili admiratione  
defixæ super chartam. *MAXIMILIA-*  
*NVM*



*NUM* dicerent! at pondus Nominis tanti æternitas ipsa immortalī dialecto vix eloqui potest, jāq; in vertiginē cū sua sphæra abiit, quod illi inenarrabilis porro videaris *ELECTOR SERENISSIME*. Tercentum millia cordiū ademisti Turcis muros Viennæ quatientibus, quomodo huic faciei linguam non auferes? quādo supra illius planum, tot Imperatorū, Regum, Principum, Invictissimis coronatus Nominibus, Gradivus in lorica, Augustus in ostro radiabis. *TERESIA* adorarent! si Dianæ vel Pulcheriæ essent; sed cū illas fuliginis nativæ niger deformet horror, sub rosa saltem prodibunt in paginam, ut hāc vestitæ purpurā aspectum Tuum mereantur *PRINCEPS SERENISSIMA*. Dicere Te mortali labio crimen est Majestatis læsæ, cū ab ipsis Numinibus dici non possis pro condigno. Et jam facilius est Jovi orbem universum uno fulcire pollice ne cadat, quā Te plenis gestare laceratis, ut supra id quod es, valeas elevari. Quare non fuscitamus è favilla Tusculanum Rhetorem, nec expergefacta Demosthenis busta movemus de tumulo,



ut Vestram infinitis amplificationibus utriq; polo evulgent gloriam, sine Oratorum luce Serenissimam. Quis enim Plato licet nectar & Hyblam loquatur, cum suis non amarescet favis, penes tantorum Nominum Augustas Ceras? Quæ noctes Atticæ congrui honoris meridiē dabunt Serenissimis in Europa Solibus? Vnus Vester Sanguis est, cuius Augustissimis Lineis dignè scribi potestis; cæterum nec auro fusa hoc decus merentur grammata, ut Vestris portandis Nominibus adsternantur. Quia verò tentavit aliquando hæc sepiā Vestris se insinuare purpuris, & inter hodiernæ candores lætitiæ pullata apparere, præsumptuosā audaciam per singula puncta arctius torquebit prælum. Cumq; jam augustos luminum Vestrorum splendores videre immerita, pro Tulliano ergastulo ad atras Typographi damnatur tenebras. Vos ipsi fitis Vobis, fitis Hymenæo Principi panegyricus; nobis satis permixtum gloriæ, quia & tacere vocalissimas laudes merebimur.






P A N E G Y R I C V S

P R I M V S

S E R E N I S S I M V S P O L O N I A R V M

R E X

I O A N N E S I I I .



Ælo integro felicitatem nostram videntur coronavisse Dij, quando caput Tuum, non unius gentis, sed orbis universi portandis cogitationibus par, hoc quod auspicatissimè geris, & ultra ter sæcularem Nestoris canitiæ geris, coronârunt diademate *REX SERENISSIME*. Plura nobis jam de thesauris omnipotentiae non potuerunt dare; imò exhausta statim gratiarum suarû invenerunt æraria, postquam Te, unam & omnem, omnē & unam *GRATIAM* in augusto Magnorum Antecessorû Tuorum Solio collocârunt. Merebaris quidem adhuc ante Iustos, & Iagellones regnare secuturis per ætates Principibus

B

Exem-



Exemplum & Miraculum; sed arcanâ  
Numinû providentiâ, in ea Reipublicæ  
tempora reservatus crederis, ut sub Tui  
obtentum Clypei, destinata ad jugulum  
Europa confugiens, Te Vindicem, Te a-  
dorâisset Vindicatorem. Bene est, quòd  
eadem ætate cum Vespasiano non vixe-  
ris! præripuisset Te nobis ad Imperium  
Roma, & Tu fuisses generis humani de-  
licia, sicut modò es orbis Amor, Patriæ  
Amator, utriusq; Vita & Anima. Quod  
certamen livoris erit in futuris post fata  
nostra sæculis? quando hæc de Te scri-  
pta in fastis legent, quæ nos intuemur  
oculis, experimur documentis. Invide-  
bunt sine dubio felicitati nostræ, & non  
vixisse sub Tuo sceptro conquerentur.  
Magna porro beatitudinis ratio est, ali-  
udq; in terra cælum, Tua visione frui, &  
lacteo illo vultu vivere, quo Te meritissi-  
ma senectus dealbavit. Qui Te vidit,  
non est quare ampliùs moretur in vita,  
jam nihil sub sole videbit gloriosius. Vi-  
dit potentiam Augusti, felicitatem Cæ-  
saris, justitiam Traiani, affabilitatem  
Titì, magnitudinem Constantini, pieta-  
tem Gratiani, sapientiam Theodosij,  
quo-



quorum ita unius omnia expressisti deco-  
ra, ut vel in Te revixisse, vel è Tuarum  
virtutum prototypo electi ad orbis Im-  
perium videantur. Quò enim pertingis  
unus, heroum Curia est, quò solus pro-  
cedis, exercitum ducis meritorum. Hæc  
Tibi gradus fuerunt ad Regni Solium;  
mereri illud, non habere voluisti, ut ni-  
hil fortunæ, omnia virtuti debuisses.  
Alijs poma regia, adhuc inter cunas &  
fasciam vagientibus, non tanquam orbis  
angusta gestamina, sed velut puerorum  
crepundia à nutricibus ingeruntur, ma-  
gis ad sistendas infantiae lacrymas, quàm  
ad communem populorum lætitiā. Tu  
adeo decorum Sarmatiae fructum, ex Cu-  
pressis quadraginta millium Turcarum  
decerpens, in laurum Regni Tui transtu-  
listi, extincto Oriente Serenissimus. Nec  
forte oblatam Tibi acceptāsses purpurā,  
si illam ipsa Tyrus aut Sidon tinxisset, &  
Tu pleno spumantem Tyra non addidis-  
ses sanguinem barbarorum. Coronæ sci-  
licet præmisisti galeam, sceptro acina-  
cem, paludamento loricam, throno cam-  
pum, Majestati Bellonam, Augusto  
Martem. Luctabatur Tecum integro



biennio honor donec Regiæ caput acclina-  
naret coronæ, cum qua sollicitudinem de  
singulis, providentiam de omnibus indu-  
ens, curas Tuas nostra fecisti otia, pri-  
mam diademati interferens gemmam,  
boni publici rationem. Illa dies quæ  
Te Imperio orbis Poloni dedicavit, Tibi  
eripuit, cum jam non Tuus esses, sed no-  
ster, ubiq; Argus, ut provideres, ubiq;  
Gradivus, ut tuereris. Labore Tuo quie-  
vimus, insomnijs Tuis dormivimus, cas-  
bus Tuis stetimus, salute Tua in mortes  
projecta viximus; & si ultra invidiam  
gloriarī licet, evasimus immortales. Te  
unum semper nostra exceperunt pericu-  
la, Tu meta vulnerum eras, quæ in nos  
plenis Thraciæ effundebantur pharetris.  
Idem triarius idem Cæsar, idem Impera-  
tor idem miles; ut Te non in regem tan-  
tum elegisse sibi videatur Polonia, sed in  
commilitonem, in panopliam, in murū,  
in animam, in occasum Orientis. Dia-  
dema istud quod nunc augustus Tuus  
implet vertex, vix uno sole, dum Te  
Creatrix Regum coronaret Cracovia, tu-  
listi in capite, statim ad Te reversa est  
galea, & thorax Bellonæ propter purpu-  
ram.



ram dimissus reluctanter. Non solum  
visus es ascendere, sed arenam, nec fa-  
sces Regios, sed mucronem accipere do-  
mitorem. Omnes Regni Tui dies ferrei  
Tibi sunt, ut nobis primum illud restitu-  
as aurum, quo sub Saturni sceptro anti-  
quitas fulsisse memoratur. Si tot hostes  
excepisset Roma, quot Tu illos percu-  
fisti porrecto semper in laurum gladio,  
nec Livij scribendis suffecissent annali-  
bus, nec Capitolinus Jupiter deponen-  
dis supra quercum sibi dilectam trophæ-  
is. Tu nihilominus cum ubique gloriosè  
fecisses omnia, illud addidisti prodigio-  
sè, quòd summa felicitate parcissimè u-  
tereris. Non erexerunt Te in fastum  
tot Scythicis cadaveribus surgentes à  
terra tumuli; non æstimasti Te Deum  
cum parvo jam penes Tuas victorias Ma-  
cedone, licet Astris dominareris Threy-  
ciis, quando per fracta Lunæ cornua ince-  
debas profligator. Nec hostem tantum  
in campo, sed ipsam victoriam vicisti in  
animo, idem triumphator & triumphatus,  
ibi fortitudine, hîc modestiâ, cujus  
verecundo rubore non minùs victor ex-  
titisti, quàm sanguine enectorum. Nē-



pe tantus jam es *REGVM MAXIME*,  
ut possis ipsos triumphos contemnere;  
& si illos annuatim per colla Othomani-  
ca liberaliter metis, fructum gloriæ in  
campo statim relinquis, contentus hostē  
delere ferro, non aureis cum Traiano  
scribi literis. Conscius tamen Sol victo-  
riarum Tuarum, quotidie illis ignem ac-  
cendit triumphalem, ipsæq; barbarorum  
mortes Te suæ cladis loqvuntur vindi-  
cem, ne eorum felicitas fileatur, quod à  
Te sint trucidati. Nempe intra laurum  
est, imò speciosius aliquid ramo Del-  
phico à Te vinci *REX INVICTISSI-  
ME*. Neq; mirum, continuo Tibi per-  
ferta civica necti triumphos & laureas,  
quando ita vincis, ut vinci à Te victis sit  
triumphale. Vapulat vapulat hucusq;  
in orbis memoria obfessor Viennæ We-  
zyrius, quia ipso Nominis Tui exarma-  
tus horrore, arma Tua effugit; quātò glo-  
riofior fuisset, si cadens Te sua adoravif-  
set morte. Verè barbarus, quod tergum  
Tibi porrexerit. Sed cor eucharisticum  
recepisti à Vienna, quam pectore tutatū  
veneras; stupuitque fama tam fortem  
belli arietem, unius Agno *IOANNIS*  
de-



debellatum. nondum enim integrum in  
cædem Turciæ nudâsti ensem, & jam  
trecentis pugnatorum millibus denudâ-  
sti campum. Corona illa Caput Austriæ  
ad vertiginem torquens, Regijs Tuis de-  
buit dissolvi manibus. Atræ Scytharum  
nubes, & tempestas ferrea, quæ totos  
Pannoniæ, Moraviæ, & Archiducatus  
Austriaci inundaverat agros, non potuit  
nisi à Te Serenissimo effugari. Ita parû  
Tibi est pugnare pro nobis, nisi trium-  
phes pro vicinis, ut nihil supra Te habe-  
at orbis Regnator populus, qui *prima*  
*pro libertate arma corripuit, mox pro fini-*  
*bus, deniq; pro socijs, tum pro gloria, & im-*  
*perio.* Legent hæc post nos victura sæ-  
cula in annalibus, & seris aliquando æta-  
tibus nascituri historici in cataphractas  
Tuas laudes armabunt stylum. Iam Ta-  
citus cum Romanis heroibus filebitur,  
ipsi de Te librarias implebunt fasti; Tu  
unus per rostra & palæstras audiêre,  
quantum fidei, quantum ruituro orbi,  
quantum Patriæ profueris. Erunt, quo-  
rum capita intrare non poterit fides,  
quomodo per unam vitam patrâsti ea?  
quæ si centum ætates vixissent Numan-



mini vel Africani, adhuc agere non ince-  
pissent. Nos ipsi Tuorum spectatores  
facinorum dubitare cogimur, oculisq;  
nostris non credimus, & nisi Tu egisses,  
necdum crederemus. Numerare rece-  
ptos cælo, & plenissima æternitate co-  
ronatos triumphos Tuos qui vult, nu-  
meret stillatim Danubij, Borysthenis,  
Tyræ, Maris Euxini aquas, ubi ita cum  
tribus orbis partibus contra Te effusum  
vicisti hostem, ut nihil alijs quod vin-  
cerent reliqueris. Squallent adhuc per  
totam Podoliam & Valachiam prostra-  
tæ Turcarum tibiæ, Scythicorum ossi-  
um permixtæ fistulis, quas Tibi in glo-  
riosa classica, Orienti in lugubrem les-  
sum convertisti. Albent Pannonicis  
disjecta campis Odrysia cadavera, istoq;  
pallore testantur, etiam post fata in se  
Tui Martis timorem non esse mortuum.  
Quoties deartuatas Tauricanorum la-  
terum intuemur crates, Tuo ense perfra-  
ctas, dicimus: ad quæ ergastula damna-  
ta fuisset Polona libertas? nisi Te Libe-  
ratorem habuisset. Quocunq; enim  
procedis *REGVM POTENTISSIME*,  
vel Tibi in trophæum accendis ignes,  
vel



vel hostem extinguis, vel metis lauros,  
vel plantas cupressos, & præsens pugnas,  
& absens vincis, nec tantum ense sed  
Nomine *IOANNIS* profligas. In Te  
uno integra portas castra; si ipse super  
arenam stetisti, Xerxis imples exercitum,  
unus militia, unus phalanx, unus agmen  
Spartana acie immobilius. Post duode-  
cim exantlatos cum urfis, & leonibus labo-  
res clavam tandem deponit Thebanus  
Hercules, quasi satis militavisset immor-  
tali gloriae, quod septem capita Lerneae  
truncasset serpentis. Tua vita, tota est  
militia, necdum tamen fractum victorijs  
animum manumittis. Continuent Ti-  
bi fortunam pleno favore Superi! nulla  
Regni Tui hora in aeternitatem non de-  
sinat! omnis dies sit Tibi Iovis Vindicis,  
Martis Laureati, Lunae fugientis. Tui  
namque muneris est, quod hucusque inter  
tot funera regnorum vivamus. Regres-  
sa est ad Europam anima, quando Tuam  
in primis cuneis vidit pro se militantem;  
alias sepulchrum jam sibi quærebat, ubi  
longo fatorum lassata anhelitu caput po-  
neret, nisi Tu Regium Tuum in Orien-  
tem porrexisses, sub cuius umbra ab aestu

D

ar-



armorum conquieuit. Ipsum Cælum  
Mauritano Atlante perfracto jam corru-  
ere videbatur, sed Tu non contentus Pa-  
triæ felicitati militare nisi vinceret &  
Deo, simul terræ, simul cæli gerebas ar-  
ma. Quàm dulce illud spectaculum erat,  
ad deferta Sanctuaria regredientem vi-  
dere Deum! cui *IOANNES* Anteam-  
bulo mucrone signabat triumphale iter.  
Non potuerunt aliter ad sacra sua pulvi-  
naria redire Indigetes Pannoniæ Dij,  
quàm per insomnia Tua, & excubias.  
Sub Tuum vestigium abjectæ hostium  
calvariæ, Crucem erexerunt Christi. Sol  
Iustitiæ à Luna Othomanica pulsus re-  
fulsit in Clypeo. Panis Vitæ, capitū Tur-  
cicorum fæcundam secutus messem, vi-  
duas altarium impinguavit mensas. Di-  
cere volo: Te Assertore redijt ad templa  
sua Deus, hominum vesano furore extur-  
batus. Quomodo armorum Tuorū præ-  
fidio Christianus nō debuit salvari orbis?  
qui adeo Potens es, ut & ipsum Deū exer-  
cituū defendas. Nec irritos sudores hæc  
evindicati Numinis clientela fudit. Ple-  
na enī manu vitæ Tuæ benedixit diebus;  
ut etiam in Cælū, nisi post spectatos Serenissimos  
Tuos Abnepotes abire non possis Regnaturus.



P A N E G Y R I C V S  
S E C V N D V S.  
S E R E N I S S I M A  
P O L O N I A R V M R E G I N A  
M A R I A C A S I M I R A.



Nihil tibi non secundum pollicere Lechia! Reginas Poloniæ duas habes, unam in Cælo, alteram in terra, utramq; *MARIAM*. Ioanni illa redita sub Cruce in Matrem, hanc, Martẽ pro Cruce *IOANNES* agens, accipit, & Regno & gratijs Serenissimam. Scilicet totum cum Dijs ex pari participas Augusta Maria; à terrena specie hominum, unum Te individuum segregavit natura, ut licet ex innata magnis mentibus modestia hominem Te dicas, propter immortalitatem tamen gestorum Tuorum, & Deas virtutes in pectoris Cælo Tecum regnantes, hominem Te agnoscere vereamur. Cedit Tibi Regia Iuno thronum, fidereoq; delapsa folio Majestatem Tuã.



Iovis purpurâ augustiorem veneratur.  
Prudentia, ceu Pallas altera, ex Tuo jam  
præter apologos nata cerebro, penes Re-  
gnatorem & illa Vmbonem, quidquid a-  
git, videtur non mortale. Diana, vultus  
Tuus est venusta Charitum decorus tria-  
de; imò multùm huic permittimus Deæ,  
si eam comparamus genis Tuis vere æter-  
no florentibus. Diu debuit cunctari Cæ-  
lum, antequam raris generandam ætati-  
bus Tuam formavit faciem; nec ut in do-  
tes Pandoræ uno impendio, sed totius in-  
dustriæ profusione laboravit. Et quam-  
vis Tibi aliquando remissiùs cum Maje-  
state agenti, deferat aurem refibulatus  
unio, nec Regiæ cervicis ebur Erythrea  
distinguant grana, innata tamen rubriq;  
margarito æquoris elegantior venustas  
sua se ornat pulchritudine; ut ipsi si Te  
(*ad dignitatem oris Augusti tremante manu*)  
depingant Apelles, monilia & adaman-  
tes, non nisi calceamentis vel extremo  
purpuræ appendant limbo. Pallet exter-  
ritum aurum, & mitiore radium disper-  
git luce, quoties ipsi rutilandum est in  
Tuo muliebri mundo. Dempto à fronte  
Regia, aliquis statim accrescit fastus,  
ali-



alijsq; jam nobilius metallis, suo turgēt  
in pretio, quod meritum fuerit Tuo attā-  
ctu honorari. Pigmenta sunt, & per co-  
lores infascinatæ pupillæ ludibria, Ga-  
nimedis in vultu ridentes rosæ, si Pæsto  
illi integro, quo Tuo purpurantur malæ,  
auderent comparari. Lepores Tui o-  
mnium venantur animos; sales Tui ipso  
suaviores nectare, inconditas faciunt  
Pulcheriæ gratias; nives Tuæ quibus su-  
per Ryphæam pruīnam candidior re-  
splendet facies, accendunt admiratio-  
ne, glaciant pavore universos. Quan-  
tò verò formæ immortalis majestas eve-  
hit Te Cælo viciniùs, Dijsq; miscet su-  
peris, tantò profundius ad hominum de-  
scendis paritatem; ut Te & supra nos  
folio evehctam timeamus subditi, & in-  
ter nos parva ac in compendium revo-  
cata magnitudine agentem, amemus  
clientes. Prætendant alij superciliosæ  
Majestati nubem, ne unquam à populo  
visa, sibi duntaxat in abscondito concla-  
ui luceat; Tu quia *SERENISSIMA*  
es, omne involucrum frangis, quod Te  
nostræ eripiat palpebræ, duo ad prodi-  
gium coniungens: amorem, & Majesta-

E

tem



tem. Nimirum solem Te Aquilis Polonis exhibes, quem etsi pupillâ hauriunt, fontem luminis non absorbent. Quis à Te publicæ felicitatis Ara, rediit non beatus? cuius tempestatem vel umbra non serenavit Tua? quem angustiatum Regia dimisit amplitudo? Spem superas, cupienda prævenis, præstare Tibi est quàm nobis optare velocius. Regiû nempe existimas petentium coronare desideria, gratiarum omnium æquè prodiga, ac avara, omnes mereris, omnes spargis, nec possidere Te felicitatem credis, nisi tribuas, & sicut præ alijs tenes fortunam cum maximis, ita cum optimis derivas in alios exhibitione facti votorum studia antevertens. Oceanus jam aquei cor elementi in torrentem desineret, si tantâ falsedinis suæ, quantâ Tu dulcissimarum gratiarum emanaret profusione. Ex intervallo gloriosa Titi agit liberalitas, dies integros quandoq; otiaitur; Tibi nullum elabitur momentum, ut monumentum in nobis beneficij non relinquas. Quasi non in India, sed in Tua dextera Hydaspes esset, Tagusq; & Ganges caput suæ Thetydis à manibus Tuis de-



derivaret. Neq; tantum de thesauris  
Tuis terram, sed & cælum locupletas.  
Omnium donorum largitor Deus à Te  
ditescit; quem ita iam Tibi obæratum  
fecisti, ut totam exsolutioni æternitatē  
impendat necesse. Capitolinis augusti-  
or manubijs pleno trophæorum acervo  
laureatur Polonia, dū hinc *IOANNES*  
ferro triumphat hostem, inde auro vin-  
cit *MARIA* Deos, magno quia de Su-  
peris triumpho. A cunabulis imperij sui  
usq; ad capulum, ensē vaginæ non in-  
tulit Roma, tantumq; sub galeis sudavit  
cataphracta, ut dubium fecerit, diutiùs-  
ne vitam, quàm bella duxit; nunquam  
tamen gloriosa populorum domitrix, de  
victis retulit coronam Dijs. Tu eiacula-  
torijs Cælo metuenda precibus, quoties  
Regium coram altari acclinas poplitem,  
arcum Tibi flectis triumphalem. Quin-  
quagesies de die ad mandatum Tuum, &  
expensas Reginalis auri divus Numinis  
funditur in ara sanguis, Tu nihilominus  
capto iam, & ad orbitam Panis Eucharis-  
tici redacto Deo, pertinaci athletica *ra-  
rum in Principibus exemplum!* de genu  
cum illo decernis. Explicuisses pridem



in Empyrea illius Patria victricem pur-  
puram Tuam, ac integrum Cæli accepis-  
ses Regnum, sed addictior felicitati no-  
stræ, quàm Tuæ gloriæ, inter tot sublu-  
naris procellæ turbines fulges nobis *SE-  
RENISSIMA*. Te siquidem alterâ Re-  
gni animâ vivimus, quando Vita Europæ  
*IOANNES* per mortes grassatur Threy-  
cias. Te, illo absente Sole, congelati pa-  
vore *ne quis leti pallor Regiam auderet in-  
cestare purpuram* recalescimus universi.  
Inducis malaciam in desolatos animos,  
licet Tuum cor æstuosissimo fluctuet  
mæroris pelago, postquam & Invictæ  
eius confidis virtuti, & humanæ metuis  
vicissitudini; & secura es de lauru, & ta-  
xum formidas diadematibus etiam se im-  
plectentem. At quod telum præsumeret  
aliquando hunc libare sanguinem? quis  
chalybs non trepidaret, illud vel extre-  
ma cuspide gustare pectus? quod omni  
faxosius Caucaſo, Patria in obtentum,  
hostis habet in Charybdim. Venit venit  
ille plaudentibus redux aquilis, calca-  
toq; Hæmo altior, post cruenta Thra-  
cum respiraturus expiria, Te Cor sui cor-  
dis revisit. Tu verò vix bellici nexum

re-



resolvit cinguli, vincula amplectendo  
inycis, ausumq; in trabea confidere Gra-  
divi pulverem dextrâ castigas Regiâ.  
Tunc prolixiora moræ intervalla con-  
questus amor, indices lætitiæ protrudit  
lachrymas, istis gemmis gratificaturus  
præsentia. Tunc exaggeratæ sollicitudi-  
num narrationes, & spei cum timore lu-  
ctantis prælia: qualiter fulmineum illi-  
us animum arcebas votis, invictæq; ti-  
muisti audaciæ, ne & in Cælum transfer-  
ret arenam, aduersus Orientis Lunam  
bellatura. Ita Tibi singulæ annorum te-  
xuntur coronæ, sic omnes suum Hesper-  
um sequuntur soles; ut videaris non di-  
adema Poloniæ, sed incudem portare  
cogitationum æternarum. Miscuit ta-  
men Cælum his absinthijs favos, quando  
dulcia Pignora ex Serenissimis derivata  
Ceris, ad sceptrâ & orbis coronas præe-  
lecta fovet manibus Regum educationi  
destinatis. Jam illis Phænicia texit au-  
gustos murices, quæritq; digna lacertis  
vellerâ; jam Indus decolor flectendum  
in diademata examinat Vulcano aurum,  
ardens illud inter flammâs anhelat, ut  
quamprimùm Regias ascendat frontes;

F

iam



jam albas Dij tenent dextrâ aleas, iucun-  
dam oculis Tuis exhibituri sortem. Quæ  
gentium, quæ orbis æmulatio erit de  
Vobis *PRINCIPES SERENISSIMI*?  
quando se complanata ultro sternent  
*IACOBO* Solia. *ALEXANDRI* ca-  
put præter Orientales lauros, vincient  
Europeæ coronæ. *CONSTANTINVM*  
ipsa supplex invitabit purpura; & debe-  
bitis omnes Regnare rogati. Videbis  
hæc *MARIA SERENISSIMA*, læti-  
tiamq; toto cordis Tui augustali non cõ-  
prehendens, etiam in nos publici gaudij  
anallecta derivabis. Matrem Te quatu-  
or Natorum fecerunt Superi; tot etiam  
orbis partes habet, illorum Imperijs ser-  
vaturas. Vide cæcum Numen Parca!  
ut tamdiu aureum vitæ Regiæ proten-  
das stamen, donec solis utramq; domũ  
purpuret Augustus illius Sanguis; donec  
è Serenissimo Bavarici Leonis thoro illi  
Pronepotes succrescant, à quibus *PRIN-*  
*CEPS TERESIA* nomen geret A-  
viæ; donec fatis sibi, fatis Regno, fa-  
tis gloriæ vixerit immortalis.





PANEGYRICVS  
TERTIUS.

SERENISSIMI  
MAXIMILIANVS  
EMANVEL

TERESIA  
KUNEGVNDIS  
CASIMIRA

PRINCIPES NEOSPONS.

**A**D Vos iterum immortalium  
operum anhelitu fessa gradum  
reportat Oratio; geminumq;  
jam *IOANNIS & MARIAE*  
emenfa Cælum, sub extremo  
plantæ augustæ calcaneo per umbras  
istius sepiæ occasum quærit *PRINCI-*  
*PES SERENISSIMI.* Decebat inter  
Hymenæi Vestri Lumina totius Europæ  
concentratis rutilantia splendoribus, in-  
tegro vestitas sole venire dictiones, & a-  
stra non literas fundi à calamo; sed cùm  
omnes Eloquentiæ Cynosuras Majesta-



te Vestra extinguitis, in Hespero saltem  
lucis hodiernæ triumphale jubar liceat  
nobis comitari. Primus pupillam influis  
Orientalium occasu armorum, & Lu-  
næ ereptis fulgoribus utriusq; Phæbi a-  
spectum hebetans *ELECTOR SERE-  
NISSIME*. Inferunt se Tecum in pagi-  
nam triumphales Tuæ legiones; infert  
laureatæ militiæ indiremptus paries, vi-  
vaq; pectorum Bavaricorum mænia; in-  
ferunt perpetua coronarum messe repul-  
lulantes Pannoniæ campi, ut ipsæ stati-  
onibus suis distinctæ literæ stylū in gla-  
dios, puncta in cuspides, incisa vertant  
in cicatrices. Nec sine prælio cataphra-  
cta procedit svada; dimicat secum colli-  
sione mutua, qua prius panegyri Tuæ mi-  
litabit gloriæ? vnde armatas aggredietur  
laudes. Hinc enim Hungariæ montes in  
Romana Marti Tuo excrescunt Capito-  
lia; inde triumphales defensæ Viennæ  
portas aperit victura post vitam Tuam  
æternitas. Hinc septuaginta Scythica-  
rum pharetrarum millia in arcus flectū-  
tur victori; inde repetitis cladibus exer-  
citus Wezyrij deletus invictæ ponit in-  
scriptiones Fortitudini: *Solus eras tantam*  
*qui*



qui posses vincere gentem; ut in hoc spatio-  
fissimo gestorum Tuorum Oceano velut  
quâdam Isthmo Oratorum ingenia coar-  
ctentur. Plus in illa funerum tempesta-  
te Tu egisti gladio, quam vel nos dicere,  
vel spes publica potuit expectare. Cele-  
ritatem victoriarum Tuarum quæ asse-  
quentur pennæ? par fulmini es, venis,  
percutis, recedis triumphator. Nomen  
Tuum vix audit, jam timet manum Tur-  
cia; nec pugnare Tibi opus est, sed *MA-  
XIMILIANI & EMANVELIS* me-  
tuendas Auroræ voces in acie statuere,  
plus illæ ad exarmanda hostium valent  
pectora, quam cunei & phalanges. Nul-  
lum tamen discrimen est, cui non occur-  
ras; nullum fati robur, ad quod invicta  
Tua non allidatur fortitudo; & autho-  
rem & actorem Te audendi exhibes. Ne-  
que ut aridus Xerxes ex littore spectas  
fluctum prælij, æstuosissimum Gradivi  
æquor ipse involas, tam manu præsens,  
quam consilio, triarius & Imperator.  
Legit hucusq; grata ætatum recordatio  
Austriacis asperfas campis Tui sudoris  
gemmas Viennæ evindicatæ pretiū im-  
mortale, ubi quantum egisti speciosior

G

pul-



pulvere, ipsiq; augustior periculis no-  
stro ævo sunt prodigia, futuro portenta.  
Tu tamen minora *MAXIMILIANO*  
agere existimans, si ultra unius campi  
terminos Tua se non proferret gloria,  
necdum deterso sudore madidus, iraq;  
adhuc nupernâ calens, bellis Te Panno-  
nicis inferebas. Sed Cannensis fortunæ  
crimen experta Luna, fractis jam Austri-  
aco bello cornibus, frontem Christiano  
porrigere non ausa Marti, filices muro-  
rum, & saxa obiecit. Aspera laurus, quia  
ex petris carpenda. Lapsis nihilominus  
in arena pectoribus, quæ viva sunt ca-  
strorum propugnacula, nec lapides stare  
incolli si poterant. Vno assultu ejecta Stri-  
gonio, & fractis Budæ semicontrita mæ-  
nijs, tantò vicinior fulmini, quantò Iovi  
proximior, Alpes Hungariæ, Belgradum  
ascendit. Tum verò hic non acetum  
cum Annibale, sed sanguis Tibi fundēdus  
erat *ELECTOR SERENISSIME*, vi-  
ctoria ex nubibus detrahenda, Cælum  
prius, quàm arx scandendum, & saxa, &  
hostes perfringendi. Cingis tamen obli-  
dione clausos, hâc coronâ omen trium-  
phi auspicatus. Neq; spes eventu caru-  
it,



it; statim enim Victoriā Tuā cadentibus muris adorārent barbari, & proprio cæsi rubuerunt sanguine, quod machinis pulsanter portas Gradivum Tuū non illico admisissent. Totā vitā evertendæ Carthagini impendit Scipio, ductisq; tribus in Africā bellis, vix tandem æmulā Romanæ gloriæ prostravit urbem in Nepote. Tibi unus assultus suffecit ad laurum, venisti, vidisti, & viciisti. Cessit virtuti salebra, fortitudini filex, pectori murus, animo rupes, *MAXIMILIANO* fortuna. Hic porro in plenilunio doloris stetit Othomana Cynthia, Tuisq; supplex advoluta vestigijs, solem sibi clementiæ oriri precabatur. Sed qui Leo veneras, nobiles iras pietate temperasti, sternere contentus, noluisti conculcare. Dignum Principe existimans, ferrum ponere, cum hostes ponunt feritatem. Sic Ter Maximo Deo Religione, Augustissimo *LEOPOLDO* Vrbe, populis restituta pace, Obsidionibus ad Viennā, Civicis ad Parkanum, Vallaribus ad Effekum, Muralibus ad Budam & Belgradum Coronis, laureatū Victor Exercitum reduxisti. Si Troiano



equo talem militiam inclusam habuit  
Græcia, qualem Tu gloriosior ævi nostri  
præcedebas Achilles, quid mirum, quòd  
Ilium & Hector mora fatorum cecide-  
rit? Duodecim Leonum Bavaricorum  
millia numerabas sub aquilis; paruum  
numero, magnum virtute agmen, & cui  
cessisset ille galeatus Alexandri Senatus,  
quo orbē debellavit universum. *Omnes  
ense pares, atq; omnes vincere digni.* Reces-  
sisti ex Hungaria portitor triumphorum  
Atlas, & statim Cælum cum Dijs ruere  
visum, novam belli excivit procellam.  
Incendium quod tegebatur favillâ eru-  
pit, modestior unda sine tridente in flu-  
ctum profiliit, ipsa serenitas gravius ful-  
minavit, nec reverita laurum Tuam, quâ  
captum vinxisti Belgradum, hosti reddi-  
dit. Scilicet ut esset iterum, quod vince-  
res *DVX INVICTISSIME.* Invidit  
Te Pannonia Belgio, & hoc illicium in-  
venit reducendi. Herculem monstra-  
trahunt, fluctus Iasonem, Pyrrhum præ-  
lia, Te triumphi. Tua hic rursus debet  
fudare fortitudo, Tua triumphare gloria.  
Segetem Tibi virtutis hostis ipse porri-  
git; metes, metes illam per colla Turciæ,

&



& Austriacâ colligatam Fasciâ in ara Ho-  
noris Tui immortalitati dedicabis. Mo-  
dò dum pronuba Hymenæus accendit lu-  
mina, agitatas victorijs extingue Bello-  
næ faces. Cedat laurus pacali oleæ, cā-  
pus choro, lituus lyræ, lorica ostro, su-  
percilium genio nuptiali. Cedit &  
candidissimo Charitum Tuarum agmini  
*PRINCEPS SERENISSIMA*. Actū  
agit disertissima Oratorum suada, si the-  
atrum venustatis vultum Tuum, ubi Ma-  
jestas & decor amænam oculis scenam  
celebrant, superlationibus verborū at-  
tollit ultra Gratias. Tres illas invene-  
runt apologi, Tu una millenas in ore ex-  
hibes, ut ipsa cogatur se quotidie in vitro  
mirari forma, quàm pulchris augustam  
faciem dotibus purpuravit. Extinguun-  
tur argenteis comatæ cirris in æquipara-  
tione Tui Cynthiæ. Penes innube fron-  
tis jubar, & geminos oculorum Phæbos,  
ad Pleiades damnantur Serenæ. Vernā-  
tium genarum rosis, alboq; lilieto cervi-  
cis herbam Nymphæ porrigunt. Satis  
illis permissum fortunæ, si ad Tui concla-  
vis limen admissæ nivea oris Tui ligustra  
videre mereantur. Nescio quid nascitu-

H

ris



ris post Te Heroidibus elargietur natura,  
quando ita se totam in Tui vultûs exina-  
nivit elegantiam. Facilius erat Idalica  
illa Dearum de pomo certamina Phrygio  
conciliare Iudici, quàm pugnantes secû  
in ore Tuo gratias, dum hinc Pæstanus  
rubor, hinc lacteus candor de palma con-  
tendunt, & hic adorem, & ille meretur  
plausum. Accedunt venustati, gemmæ  
pulchritudinis virtutes, quas ab augu-  
stis *SERENISSIMÆ MARIÆ* exem-  
plis in Te derivatas, *TERESIÆ* dotales  
fecisti. Affabilis Majestas, nō elata gravi-  
tas, comis modestia, Vestalis pudor, ze-  
losa pietas, matura prudentia, mansveta  
bonitas, aliaq; Civilium virtutum coro-  
na, quæ Regio Tuo conjunctæ Sanguini,  
sicut à Serenissimis accipiunt splendorē  
Ceris, ita reciproco trabeatas lumine, ul-  
tra auream Cynthij provehunt claritatē.  
Laudare magno Deorum scrutinio æsti-  
mata dotum Tuarum prodigia qui vult,  
ipsa peroret admiratione. Sublimiter  
dixit, si profundè siluit. Nihil aliud  
*PRINCEPS SERENISSIMA* de Te  
Oratores dicant, quàm quod sis *IOAN-*  
*NIS & MARIÆ* Filia, jam omnes Ma-  
ie-



jestatis Tuæ Panegyricos duorum Nominum argumento impleverunt. Tantorum Poloniæ Numinum Nata, ipsius Cæli paranymphis favoribus Tibi connubiali maritatur vinculo *ELECTOR SERENISSIME*. Diu astra parem tenuerunt trutinam, cui ex Europæ Principibus hæc debuit sociari Atalanta, donec Tu felicior Hippomenes stadium lucratus, cor rivalibus studiis metam posuisti. Vtrumq; Tibi & armorum, & amorum theatrum laurum porrigit. In campo hostes, in amicitia affectus triumphas, gloriosiore, quia animorum victoria. Facilius enim sternuntur acies quam voluntates, citius mænia, quam pectora perfringuntur. Quid tantorum Siderum conjunctio Christiano portendat orbi? curiosi stellarum indagatores dicite! Augustus Imperator mensium Serenissimas connectit Domos; sternite Regna thronos orituris è Bavaro Sanguine ad Imperia terrarum Principibus! Adulta Ceres messorias arstis coronat Kalendas; time Turcia caput Tuorum messem! quam in te necdum genita, & jam metuenda Leonis Bojci truncabit Proles.



Pretiosus Serenissimarum Familiarum  
unio inter belli generatur tonitrua;  
quòd sola hinc contra Orientem sint  
nascitura fulmina. *MAXIMILI-  
ANI & TERESIÆ* Augusta No-  
mina, in ipsis vocum capitibus Martem  
Terribilem Minantur Thraciæ. Videbis  
hæc *ELECTOR SERENISSIME* in  
documento, quæ modò accipis à nobis  
in augurio. Spectabis coram Te reptan-  
tes per scuta parvos Hectores, quos Tibi  
obviàm post Othomanicos redeunti tri-  
umphos è conclavi *PRINCEPS* manu  
ducet *TERESIA*. Illi laureatas victo-  
riâ dolci basio svaviabunt dexteras, avel-  
liq; tenerû non finent amplexum. Tunc  
à fulminatis Thracibus relictâ adhuc in  
supercilio Tuo decedet è fronte tempe-  
stas, innubisq; arridebis salutantibus.  
Cumq; jam prætextam exuent, & mol-  
les loricæ aptabunt lacertos, aquilas Gra-  
divi Tui antevolantibus monstrabis im-  
mortalia Fortitudinis Tuæ mnemosyna  
Budæ & Belgradi prærupta, per quæ Leo  
Tuus ferebatur ad laurum, pro Aris,  
*LEOPOLDO*, & gloria.





PANEGYRICVS

QVARTVS.

SERENISSIMVS

REVERENDISSIMVS

CLEMENS

IOSEPHVS

Archiepiscopus Colonienfis  
ELECTOR S. R. Imperij.

**P**Eccamus in clementiam Tu-  
am, dum audacior calamo  
in Tuum confurgimus No-  
men. Non quod hostile ali-  
quid moliamur, sed quia im-  
par tanto Nomini penna præsumente  
consilio tractandas accipit laudes, qui-  
bus se scit non suffecturam. Avelli tamē  
non poteris à *SERENISSIMO FRA-*  
*TRE*; & quos unus portavit uterus, u-  
na educavit Domus, in Fraternali felici-  
tatis consortium venies, quæ per augu-  
sta Sarmaticæ Regiæ connubia, Bavari-  
cam Aulam subintravit. *MAXIMILIA-*



*NVM* venerati sumus Martem tunicâ  
tectum adamantinâ; Te verò licet San-  
ctioribus aris admovit Fortuna, non ta-  
men extra præliarem aciem posuit: cum  
militanti initiari Ecclesiæ & sub Infula  
gestare caput est arma profiteri. Nec  
enim fago tantum datum est ad bella na-  
sci, etiam sacratio toga imbelles exclu-  
dit animas, & à Pontificio Pedito ea geri  
possunt subinde, quæ à Martiali hasta  
vix expectes. Non caret suis hostibus  
Ecclesia, quæ sanguine fundata est, san-  
guine crevit, sanguine nutritur, sangui-  
ne finem habitura; ideo auxiliaribus co-  
pijs indiget Herois Christiana, quas à  
Vobis potissimè expectat, quos DEVS  
& Infultos, & Serenissimos voluit esse  
Polemarchos. Adeoq; pietas hic ac eru-  
ditio armatura fortissima; quæ quàm in  
Te pulcherrimè emicant, vel ipsa *ELE-*  
*CTORALIS* indicat *COLONIA*, dum  
ex bonis elegit optimum. Benè ibi ma-  
gnæ discernuntur indoles, nec tam fa-  
cile in indignum inclinantur vota: sed  
omnibus virtutibus emineat necesse,  
quicunq; addicta suffragia vult experi-  
ri. Disquirat exactissimè Scrutator calcu-  
lus



lus, tempestivè providens ne incidat in  
leporem, cum Res Catholica indigeat  
*LEONE*. Præter innumeras animi do-  
tes & parem tanto culmini spiritû, etiã  
*BAVARICI* Sanguinis in Te respectus  
habitus. Pulcherrimum quippe confiliû,  
eos Ecclesiæ gubernaculo admoveri,  
quos hinc virtus, inde Natalium Celsitu-  
do reddit Potentissimos. Ne Petri laci-  
nia vilescat, optimè superinduitur pur-  
pura; destructo præsertim sæculo, ubi  
Apostolica paupertas non in illo, in quo  
olim pretio: & hæresi altiùs cristas erigē-  
ti benè opponitur Majestas, diminuen-  
dâ sui & Ecclesiæ reverentiâ, nisi per au-  
gustæ originis quæratur pompam. Amât  
& Tiaræ innutrita Principum Mitris ca-  
pita, nec dehonestat Præfuleum Scipio-  
nem manus, quæ ex assveta sceptris eli-  
gitur Domo. Illustris per se Pontificia  
purpura, sed illustrior, ubi Gentilitij ac-  
cedunt fulgores. Boicus dum rugiet  
*LEO*, quis sectarius non timebit? per-  
stringet lippientes oculos immensa cla-  
ritas, quæ & Pontificiæ authoritatis, &  
consanguinæ serenitatis radios evibrat.  
Ita tamen clementiam Tuam moderaris



*CLEMENS SERENISSIME*, ut hinc à Præfule amor, inde à Principe debita perfuadeatur veneratio. Et hæc optima in illos regiminis ratio, qui vel flecti, vel frangi indigent. Bavaricæ pietatis fuit Episcopatus fundare, sit etiam ejusdem possidere. Excurrit in barbaras Othomanidûm Lunas *MAXIMILIANVS*, remanent internæ Domi viperæ; dum ille pro focis, Tu pro aris excubas, ille Marte, Tu arte, ita Gentilitium erudientes *LEONEM* ut parcat subjectis, debellet superbos. Accedit ad tam Augustæ Infulæ honorem & Serenissimus *ELECTORIS* splendor. Ingens felicitas eligente calculo eum decernere, cui caput inclinet orbis, & ejusdem voti esse, cujus est Divinitas. Quanquam & *BAVARICI* Sanguinis ea est Magnitudo, ut ad summum imperium non eligere tantum, sed etiam eligi noverit, documento relicto, imperâsse è Domo Vestra, & augustissima sceptrâ tenuisse. Et hoc est *PRINCEPS SERENISSIME*, quod ut Tuæ ita nostræ quoq; ad scribimus felicitati, Sarmatiam Bavaricæ fæderari, & Tibi consanguineam reddi per *MAXIMILIANI* cōnubia, animorū imò regnorū nexus trahentia.



P A N E G Y R I C V S  
Q V I N T V S.  
S E R E N I S S I M I  
I A C O B V S,  
A L E X A N D E R,  
C O N S T A N T I N V S,  
P R I N C I P E S.

**A**nguſta tenuioris chartæ ſpa-  
tia temeritatis ſuæ mirantur  
auſum, quòd eorum bajula  
non metuant eſſe Nominum,  
ſub quibus gemit brevi caſu-  
rus Oriens, lapſu pudendo gloriam & no-  
men Lechiæ ad inuidiam ſæculorum ere-  
cturus. *IACOBVS MAIOR, ALE-  
XANDER MAGNVS, CONSTAN-  
TINVS*, extra ætatem ſummis omnibus  
par; Nomina ſunt ipſo pænè timenda ſo-  
no: Caſtra implent titulis, fugant bar-  
baros, cernua ad plantas ſternunt impe-  
ria. Mancipata tantis Fortuna Nomi-  
nibus, tributarius & honor Sereniſſimo

K San-



Sanguini, quos fasces, quæ non parant fastigia? sed cuncta meritorum Virtutisq; Regiæ magnitudine minora fore metuunt. Ipsa Regnorum decora, Provinciarum diademata, ultro hos involare ambientia vertices, diuturniores incusant moras, nimium se censendo demissa, nisi his eleventur; obscuramq; suam deplorando serenitatem, si ab augustis Poloniæ Principum temporibus lumina & pretium non derivent. Allicit ad se *IACOBVS* Coronas, & Serenissimis Natalium, & ereptis Othomanicæ Lunæ splendoribus. Plus quàm solaris fulgor hic, Aquilinam Sarmatiæ fatiat pupillâ, & fascino hostilis palpebræ incantantes fauciat Bistonum Basiliscos. In aurore adhuc ætatis suæ ad Viennam luctatus *IACOB* extinxit Orientem; Filius tonitruï Scythica repressit fulmina; ad cuius vel ipsum Nomen, Odrysium expuluit morte Gelonum fidus, quodq; ad sui plenilunium, Europeum sitiebat orbem, sub triumphali planta Principis detumuit fatali decrescente. Nullus tunc lethalior Tauricæ ictus quàm à tyrone *IACOBI* dextera. Depontanum annis &



victorijs gravem Wezyrium in puerū de-  
generâsse infantilis testabatur lacryma,  
cū necdum adulta *SERENISSIMI*  
*PRINCIPIS* juventus ereptâ barbaris  
maturefceret vitâ. Solidabatur tene-  
rior planta, centuriatæ hostilitatis casu;  
dum per ætatem & innatæ mansuetudi-  
nis ductum adhuc molli, dura tamen &  
gravi hostibus per exantlatos Gradivi la-  
bores manu, aliquot superba Murzarum  
colla ex acie sublecta *GENITORI SE-*  
*RENISSIMO* ad plantas, sibi ad gloriâ,  
Patriæ in fulcrum sterneret libertati.  
Spectabat tunc Lechicus Iupiter suum  
Herculem grandiores elidentem Antæ-  
os; gaudebat Serenissimus Æneas suo A-  
scanio, quod eodem secum vestigio Vi-  
ennensem, Budziacensemq; arenam, eo-  
dem & Myrmidonum Dolopumq; cervi-  
ces premeret, quidni & Paterna Maje-  
stas eidem se submittet calcaneo trium-  
phali, in *IOANNE IACOBVM*, in *IA-*  
*COBO IOANNEM* semper habitura.  
Videre erat ruentem ad *SERENISSI-*  
*MI IOANNIS* plantæ basia liberatam  
Viennæ fortunam, ruebat & in ample-  
xum *IACOBI*, arctiore affectûs vinculo



eum innodatum detinere laborans, per quem ab hostili compede vindicabatur. Reviviscebat Austria, Principe nostro barbariam exanimante. Idem passus ad sepulchrales umbras Orienti fuerat, qui ad Castra Serenissimis cum *IOANNE IACOBO*. Illacrymari ad tot memorandas hostium clades *ALEXANDER*, altum ingemiscere *CONSTANTINVS MAGNI PRINCIPES* cogeabantur, dum Paternâ ac Fraternâ lauro totum confitum videntes Orbem, sibi victoriæ spatium, superfuturum desperarent. Sed repullulat hucusq; cæsis verticibus Bistonia excetra Vestræ gloriæ Serenissimi Principes; jam maturiore detruncatis chalybe capita, quæ in cunis adhuc elidere tenelli suspirabatis Alcidae. Tunc enim ipse vagitus infantilis formidandû hosti videbatur infonare classicum, fundebatis lacrymas quòd Geticum nequiritis cruorem. Quid ibi pusillum in pusionibus, præter ætatem videre licuit? Ipsa minuti at elegantis vultus majestas magni erat index animi, profunda speculatione tenerior defixa pupilla, maximis intentum negotijs testabatur ingenium,

pur-



purpureis intexti lacerti involucris ad  
sustentandum Patriæ Cælum omnino e-  
mancipari luctabantur. Adstabat Ve-  
stris fascijs ancillans cum Marte Bello-  
na, dumq; primam attraheretis auram,  
bellicam Gradivus Vobis inspirabat ma-  
gnitudinem, quâ vegetati, ita vivitis, ut  
spiritu principali Patriæ robur, hostilita-  
ti fatum pariat. Non expectastis gran-  
diores annos ad demonstrandum quanti-  
fitis, in primo ortu *Magnum ALEXAN-*  
*DRVM*, *Magnum* adoravit Orbis *CON-*  
*STANTINVM*. Magnitudo ipsa Vobis  
nascendi fuit initium, ita ut dubitaret  
Patria utrum & quando esse inceperitis,  
qui adeò Magni statim extitistis. Ipsa  
natura non credidisset à se tantos produ-  
ci potuisse, nisi *SERENISS: IOAN-*  
*NES* magnitudine sua solvisset dubium,  
nunquam minores sibi succedere com-  
probando. Tanti ab *INVICTISSIMO*  
*PARENTE* exijstis *SERENISSIMI*  
*PRINCIPES*, ut statim attigeretis Co-  
ronas, impleretis thronos, purpuras. Vos  
tamen ambientia Vestrum Caput Provin-  
ciarum decora arcetis, ut Cassis & Curæ  
premant augustos vertices, non Patriam.

L. Pur-



Purpuram hæreditario jure à Lucina in-  
ductam lacertis, cedere ex humero ferre-  
is thoracibus cogitis absq̃; Othomanici  
sanguinis murice nimium decolorem ar-  
bitrantes. Hinc *SERENISS. ALEX-  
XANDER* pubescis Castris Miles gale-  
âq̃; teruntur nondum signatæ flavâ lanu-  
gine malæ. Hinc *CONSTANTINE*  
*Magne* Cruce terres Tartarum, ab hoc si-  
gno quoties incipis, toties & vivere &  
vincere definit impietas. Didicit jam nō  
semel Taurica suo casu, quòd ipsius famæ  
classico barbarorum castra subvertatis, &  
clauso in vagina mucrone, triumphetis a-  
nimatam hostium rabiem, prius strata  
hostium colla, quàm bellicam calcantes  
arenam. Aureliam & Ardeatinam molli-  
oribus linq̃uitis semitam plantis, ferream  
Martis portam ad aureum honoris con-  
claue à *SERENISSIMO* reſeratam imò  
è cardine convulsam *PARENTE*, pur-  
pureum hostili tabo ascensum ab *INVI-  
CTISSIMO IOANNE III.* bene tritū  
eligitis, hîc iter ad folium designantes.  
Brevi enim eripiet Vos Serenissimus Ho-  
nor Bellonæ, ut si litigiosa de Vobis cum  
Gradivo refugiet jurgia, relinquet Vos  
Martes, sed efficiet coronatos.



P A N E G Y R I C V S  
S E X T V S.  
D I A D E M A T A,  
S C E P T R A,  
P A L V D A M E N T A  
E V R O P Æ.

**T**Erminare jam immensum glo-  
riæ Vestræ Oceanum para-  
mus, & ecce necdum extre-  
mis proris immerfam admi-  
rationem in primo stantem  
littore comperimus *NEOSPONSI SE-  
RENISSIMI*. Vastissimam dicendorū  
æternitatem ingressi, finem cum princi-  
pio, principium cum fine convertimus,  
adhuc tamen vel in choare, vel desinere  
non videmur, sed jugiter incipimus con-  
cludendo, concludimus incipiendo. Nec  
mirum *LEOPOLDE AVGVSTISSI-  
ME*, Sol Imperatorum, Corona Orbis,  
Primum Europæ Vivens, quòd usq; huc  
cum Augustissima Tua *ELEONORA  
TERESIA* repofuit Te demississima O-



ratoris penna ; in æternitate Bavaricarū  
laudum ubiq; principium est. Primus es  
Nomine inter Austriacos Imperatores  
Leopoldus, Secundissimus Imperandi fe-  
licitate Cæsar, Vltimus finiendi sub Te  
Othomanici sceptri Terror. Sed tamen  
dum Te ultimum ponimus, Principium  
Principum veneramur. Quod si post de-  
fixas in Constantini turribus Cruces, post  
triumphatas tres orbis Threycij partes,  
post superata Platonis annosi sæcula, Ro-  
manorum, Hungarorum, Bohemorum  
*REX*, etiam Regnum occupabis Cæli,  
in Augustissima Prole Tua vivere non  
defines immortalis. Rident & Tua inter  
lætitiæ hodiernæ plausum Lilia *LVDO-  
VICE CHRISTIANISIME*, quorum  
illibatus semper in Ecclesiam candor  
pulchrius in Tua resplendet Corona,  
quàm gemmæ & adamantes. Christiani  
Regni amores fæderavit *MAXIMILI-  
ANO CHRISTINA*, mortuales illius  
cineres in *SERENISSIMI DELPHI-  
NI* corde Phænicem excitant dolorem;  
cui digna sceptris in posthumo Sanguine  
relinquens Nomina, demissa Cælo red-  
dita Cælo, non obijt, sed abijt. Auget  
Hy-



Hymenæi lumina *COR* Fidei, *LAVS* Ca-  
tholicissimi Regni *CAROLVS* Serenissi-  
mus, O quam *CLARVS* in ipso Nomi-  
ne! Innutrita Phæbi radijs Polona Aquila,  
refractus ab Hespero in Septemtrio-  
nem Principum splendores sibi facit ami-  
cos. *CAROLVS CAROLVM* comita-  
tur, Secundum Decimusquartus hodie  
Suecis felicissimè Regnans. Coronatus  
illius Leo per Palatinam Bipontinam de-  
scendens Domum, Nuptialibus Leonis  
Bavarici assistit coronis. Idem Augusti  
Sanguinis nexus, & Te *IOANNES*  
*GVILIELME* Elector Palatine Rheni  
Serenissime, ad communem orbis trium-  
phum trahit. Trahit Sabaudicas Sere-  
nissimi *VICTORIS AMADEI* Cruces,  
*SAXONIÆ, LOTHARINGIÆ,*  
*BVRGVNDIÆ, PARMENSIVM,*  
*MEDICEORVM, LVCEMBVRGEN-*  
*SIVM, BRVNSVICENSIVM, BER-*  
*GENSIVM, VITEMBERGENSIVM*  
gloriosa Decora, & quidquid Sceptro-  
rum, Diadematum, Purpurarum, Titu-  
lorum, Luminum Europa habet, omnia  
hæc innectuntur Hymenæi Vestri vin-  
culo *NEOSPONSI SERENISSIMI.*

M

Con-



Confluunt huc Pontificia in *PAVLO*,  
*LEONE*, *CLEMENTE* Triregna;  
Imperatoriae in *LVDOVICO*, *HENRI-*  
*CO*, *RVPERTO* Coronæ; Cardinalitij  
in *PHILIPPO*, *CONRADO*, *IOAN-*  
*NE* murices; Archipræsuleæ in *RV-*  
*PERTO*, *ERNESTO*, *FERDINAN-*  
*DO* Tæniæ; Ducales in *FRIDERICIS*,  
*OTHONIBVS*, *LVDOVICIS*, *MA-*  
*XIMILIANIS* Mitræ; Præsulei in  
*PHILIPPO*, *GEORGIO*, *AL-*  
*BERTO* Fasces; confluit universa Re-  
gnorum Majestas. Quam dum in Vobis  
*NEOSPONSI SERENISSIMI* com-  
pendio veneramur, triumphantis Euro-  
pæ votis, & nostrum addimus:

*Decurrat trabeata Domus, tradatq; coronas*  
*Mutua posteritas, servatoq; ordine fati*  
*Regia continuo numeretur Cæsare proles.*





